

Cebuano God's Simple Plan

Ang Biblia

Kay ang tanan nanagpakasala, ug nawad-an sa himaya sa Dios; mga Taga-Roma 3:23

Kay ang bayad sa sala mao ang kamatayon; apan ang walay-bayad-nga hatag sa Dios mao ang kinabuhi nga walay katapusan nga anaa kang Cristo Jesus nga atong Ginoo. mga Taga-Roma 6:23

Kay tungod sa gracia naluwas kamo pinaagi sa pagtoo, ug kana dili gikan sa inyong kaugalingon; kini hatag sa Dios: Dili tungod sa mga buhat, aron walay bisan kinsa nga mangandak. mga Taga-Efeso 2:8-9

Apan ang maniningii sa buhis nga nagatindog sa halayo dili ngani buot bisan lamang sa pagyahat sa iyang mga mata ngadto sa langit, kondili hinonoa nagapamukpok sa iyang dughan nga nagaingon: Oh, Dios! malooy ka kanako nga usa ka makasasala. Lucas 18:13

Kay gihigugma sa Dios ang kalibutan, sa pagkaagi nga gihatag niya ang iyang Anak nga bugtong, aron ang tanan nga motoo kaniya dili mawala, kondili may kinabuhi nga walay katapusan. Kay ang Dios wala magpaanhi sa iyang Anak sa kalibutan aron sa paghukom sa silot sa kalibutan, kondili aron ang kalibutan maluwas tungod kaniya. Juan 3:16-17

Walay bisan unsa nga panulay nga miabut kaninyo kondili kadto nga maantus sa tawo; apan ang Dios matinumanon, nga dili motugot nga panulayon kamo sa labaw sa inyong maaran; kondili uban sa panulay, magahatag usab siya ug lutsanan aron kamo makahimo sa pag-antus. I mga Taga-Corinto 10:13

Kay nasayud ako, nga bisan ang kamatayon, bisan ang kinabuhi, bisan ang mga manolonda, bisan ang mga kagamhanan, bisan ang mga butang karon, bisan ang mga butang nga palaabuton, bisan ang mga gahum, Bisan ang kahitas-an, bisan ang kahidladman, bisan kinsa sa uban nga mga binuhat, sila dili arang makapahamulag kanato gikan sa gugma sa Dios, nga anaa kang Cristo Jesus nga atong Ginoo. mga Taga-Roma 8:38-39

Kay si Cristo mao ang katapusan sa Kasugoan ngadtosa pagkamatarung alang sa tagsatagsa nga mingtoo. mga Taga-Roma 10:4

(Kay siya nagaingon: Sa panahon nga nahamut-an ginapatalinghugan ko ikaw, ug sa adlaw sa kaluwasan ginatabangan ko ikaw. Ania karon, ang panahon nga nahamut-an; ania karon, ang adlaw sa kaluwasan); II mga taga-Corinto 6:2

Karon sa nakadungog sila niini, gisakitan sila sa ilang kasingkasing, ug nanag-ingon

sila kang Pedro, ug sa ubang mga apostoles: Mga igsoon, unsay pagabuhaton namo? Ug si Pedro miingon kanila: Maghinulsol kamo ug managpabautismo ang tagsatagsa kaninyo sa ngalan ni Jesu-cristo alang sa pagpasaylo sa mga sala, ug managdawat kamo sa hatag sa Espiritu Santo. mga Buhat 2:37-38

Ug isul-ob ninyo ang bag-o nga tawo, nga sa pagkasama sa Dios gibuhad diha sa pagkamatarung ug pagkabalaan sa kamatuoran. mga Taga-Efeso 4:24

Ingon sa nahisulat: Walay matarung, wala, bisan usa, mga Taga-Roma 3:10

Busa, maingon nga ang sala misulod sa kalibutan pinaagi sa usa ka tawo ug ang kamatayon misulod pinaagi sa sala, ug nga tungod niini ang kamatayon mikuyanap ngadto sa tanang mga tawo sanglit ang tanang mga tawo nakasala man-- mga Taga-Roma 5:12

Samtang mga maluya pa kita, sa gitagal nga panahon si Cristo nagpakamatay alang sa mga dili diosnon. mga Taga-Roma 5:6

Apan ang Dios nagapadayag sa iyang gugma alang kanato pinaagi niini, nga bisan sa mga makasasala pa kita si Cristo nagpakamatay alang kanato. mga Taga-Roma 5:8

ug uban sa gahum gipaila nga Anak sa Dios sumala sa Espiritu nga balaan pinaagi sa iyang pagkabanhaw gikan sa mga patay, si Jesu-Cristo nga atong Ginoo, mga Taga-Roma 1:4

Kay nahibalo kita nga si Cristo nabanhaw gikan sa mga patay ug nga dili na gayud siya mamatay; ang kamatayon wala nay kagahum batok kaniya. mga Taga-Roma 6:9

Kay kon pinaagi sa imong baba magasugid ikaw nga si Jesus mao ang Ginoo, ug magatoo sa sulod sa imong kasingkasing nga siya gibanhaw sa Dios gikan sa mga patay, nan, maluwas ikaw. mga Taga-Roma 10:9

Kay "ang tanan nga mangaliya sa ngalan sa Ginoo maluwas." mga Taga-Roma 10:13

Kay nasayud ako, nga bisan ang kamatayon, bisan ang kinabuhi, bisan ang mga manolonda, bisan ang mga kagamhanan, bisan ang mga butang karon, bisan ang mga butang nga palaabuton, bisan ang mga gahum, Bisang kahitas-an, bisan ang kahidladman, bisan kinsa sa uban nga mga binuhad, sila dili arang makapahamulag kanato gikan sa gugma sa Dios, nga anaa kang Cristo Jesus nga atong Ginoo. mga Taga-Roma 8:38-39